

**Dissertatio inauguralis medica de febribus mesentericis ... / publico
examini sistet Carolus Gotthold Lucius.**

Contributors

Lucius, Karl Gotthold.
Hoffmann, Friedrich, 1660-1742.
Universität Halle-Wittenberg.

Publication/Creation

Halae Magdeburgicae : Typis Joh. Christiani Hilligeri, [1728]

Persistent URL

<https://wellcomecollection.org/works/h7u8kawz>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSE¹⁰RAT^TO IN AVGVRALIS MEDICA

DE

FEBRIBVS MESEN
TERICIS

QVAM

PROPITIO NVMINE SVMMO

PRÆSIDE

DN. FRIDERICO HOFFMANN
FACVLTATIS MEDICÆ SENIORE ET h. t.
DECANO

PRO DOCTORIS GRADV

RITE IMPETRANDO

Ad d. Junii Anni M DCC XXVIII.

PUBLICO EXAMI^NI SISTET

CAROLVS Gotthold LVCIVS

DRES^D. MISNICVS.

HALAE MAGDEBURGICAE,

Typis JOH. CHRISTIANI HILLIGERI., Acad. Typogr.

САДУМ ВІДНОВЛІ СТРАВОЮ
БОДИМОДЕРН
ОНИ ВІДНІ ПРО.
ІМАЖОН СВЯТИЙ
ВІДНОВЛЕНІ СТРАВОЮ
ПРОДОВЖОВА
ІМ'Я ДОДАВА
САДУМ ВІДНОВЛІ СТРАВОЮ




DISSERTATIO IN AVGVRALIS MEDICA
DE
FEBRIBVS MESEN-
TERICIS.

PROOEMIVM,



Ebris est quidem tam universalis, familiaris & sonticus morbus, ut nulli ætati, nulli temperamento nullique sexui parcat, omnes regiones omnique tempore infestet & tres fere hominum partes absunt. Quod vero magnopere mirandum, nulla in pathologicis doctrina tam intricata tantisque premitur difficultibus, ac ea, quæ de febrium natura, generatione & curandi ratione tractat, quo fit, ut in therapia quoque ingens medentum sit dissen-



sus, quænam remediorum genera in expugnanda
hac, vel illa febre proficua & qua incuratione uten-
dum sit methodo? Quin adeo sterilis adhuc & man-
ca est recentiorum pathologia, ut plurimi sint, qui
ubi motus febriles, vel horum causæ sedem obti-
neant, ignorent & alia omnia, quam quæ veritate
subnixa, credant ac afferant. Placet in exemplum
adducere febres, quæ in mesenterio nidum habent
ac latibulum. Harum certe variæ species, quæ
frequentissime in praxi occurunt; altum tamen de
iis, in veterum æque ac recentiorum practicis li-
bris est silentium. Solus BAGLIVVS earundem
in operibus suis iniicit mentionem, licet, uti omnia
quæ de ipso prostant, fragmenta exhibent compila-
ta, ita etiam in eo, quod *de febribus mesentericis* agit
capite, parum solidi & quod rite connexum, sed
plura confusa, quin aliena, reperiunda. Exquisi-
tiorem igitur utilis hæc & scitu necessaria materia
meretur disquisitionem, quæ tamen eo difficilior
omnino habenda, quo minus exulta & quo magis
necessarium, ut ratione duce & comite experientia,
cum cura adornetur. Interim faciemus jam pericu-
lum, iter tantisper frangemus & specimine hoc in-
augurali febrium mesentericarum varias species, o-
riginem, diagnostin, prognostin & curandi rationem,
curatius paullo atque uberiorius evolvemus, summum
Nuinen supplices implorantes, ut feliciter cedere
jubeat conamen!

§. I.

Agemus igitur de febribus, quarum sedes in mesenterio. Est hoc viscus, quod magis, quam ullum aliud morborum proventui favet & commodum focum gravibus & exitialibus chronicis passionibus subministrat. Censura vero utique dignum, quod morborum ibi hospitantium scrutinium, a medentibus pensi sit habitum & tantum non videatur praetermissum. Unicum forsitan ex veteribus qui celebritatis famam adepti exceptimus FERNELIVM, qui lib. VI. path. cap. 7. de morbis mesenterii agit & latibulum multarum gravium & diutinarum chronicarum affectionum in eo constituit: *ego, inquiens, affirmo & profiteor, cholerae, melancholiae, diarrhoeae, languoris, lentarum errantiumque febrium, addo hypochondriaci affectus, scorbuti, latentium denique morborum causas, me in his plerumque sedibus animadvertisse, quorum depulsione, deploratis salus redditur.* Præter hunc etiam sœculo abhinc Islebiensis quidam Medicus, MATTHIAS MARTINI, integrum de morbis mesenterii abstrusoribus conscripsit libellum, in quo quidem de melenterii infarctu, inflammatione, abscessu, dolore colico, melancholia hypochondriaca copiose agit, de febribus vero ex mesenterio, nihil quod memoratu dignum adjicit, & præterea anatomicis inventis & rationibus physico-mechanicis destitutus, ubivis nihil fere aliud, quam obsoletas auctorum opiniones & formulas, nitido tamen stilo, promit.

§. II.

Nos jam alia incedemus via, ac ut pathologica hæc de febribus ex mesenterii labe doctrina, claris ac perspicuis nitatur fundamentis, præmittemus ex anatomicis mesenterii historiam, quoad structuram, situm, connexionem, partes e quibus coalitum, adjuncto simu-



genuino ipsius usu. In quo quidem primo monendum loco, nos per mesenterium non solum illam quæ tenuia intestina connectit & colligat, meseræum Anatomicis dictam partem, sed etiam eam, quæ crassis, & maxime colo adhærescit, & mesocolon audit, intelligere. Vtrique febri sedem præbet, sed ratione structuræ, situs, connexionis atque etiam usus intercedit differentia, cuius ratio in quo sit positæ, eruendum utique.

§. III.

Meseræum itaque jejunœ & ileo intestino est conexum, ex triplici membrana, superiori scilicet, inferiori & media cellulosa, seu adiposa, quæ pinguedinis stentaculum, conflatum. Super medianam tam arteriosa, quam venosa vasa, nec non nervorum surculi discurrent, innumeræ quoque in ipsa glandulæ consistunt, superior vero & inferior lamella magis vasa, quæ lympham & chylum vehunt, habet. Tota vero compages pendula in abdomine hæret, & tam per robustam peritonæi membranam firmiter primæ lumborum vertebræ concreta, quam etiam per conspicuum ramum ex arteria aorta, arteriæ mesaraicæ nomine notum, nec non nerveum plexum, ex pari octavo, intercostali & lumborum vertebris prodeuntibus conflatum, alligata est atque appensa. Vena a dextro venæ portæ est ramo, sinistro ad pancreas & lie nem abeunte.

§. IV.

Mesocolon crassa comitatur intestina longeque alium ac mesenterium servat tractum, cum ipso colo communem. Incipit scilicet in costa ilii dextri lateris & cum colo ascendit ad dextrum renem & inferiorem hepatis partem, postea ad omentum convertitur, sub quo infra ventriculum pergit ad finistrum latus, ubi sub dia-

diaphragmate circa lienem conspicuum; colo sursum prius ac deorsum iterum in annuli figuram reflexo, efformat flexuram, inde ad renem sinistrum prorrigitur ac demum musculum psoas & os sacrum, incurvato ad formam literæ S. tractu, transcendens, ad pelvis peritonæo adhærescens tendit. Vasa lactea obtinet per pauca, glandulas etiam paucas ac minores habet & ex mesenterico medio & inferiori nervorum ramo exiguos sortitur siveculos, per peritonæum ad mesocolon & tunicas colli serpentes.

§. V.

Id vero observatione in primis dignum, tam arcam quidem mesocoli & omenti esse connexionem, ut sicuti aliquoties, primus quod sciam, D. PRÆSES publice demonstravit, una videatur omenti & mesocoli continuatio, diversa autem utrisque esse sanguifera vasa. Mesaraicæ enim superioris ramus ad mesocoli in dextro latere partem, & in sinistro, ubi annularis illa recurvatio, discedentis ex aorta circa tertiam lumborum vertebram mesaraicæ inferioris ramus fetur, quæ vero omentum perreptant arteriosa vasa, cœliacæ arteriæ sunt propagines. Eadem ratione ex vena mesaraica superiori ramus capax satis dextrum mesocoli ductum perluit, omentum autem venas suas, quas cum ventriculo habet communes, a cœliaca sinistra sortitur. Et longius porrecta mesocoli in sinistro hypochondrio portio peculiarem habet venam, quæ nec cum omento, nec cum dextri lateris mesocolo, nec cum mesenterio connexionem alit, sed ortum trahit quandoque ex ramo splenico sinistro, plerumque vero in illo venæ portæ angulo, qui est inter ramum splenicum sinistrum & mesentericum dextrum. Dicitur hæc vena hæmorrhoidalis, & recto ac perpendiculari itinere, innumeros per meso-



mesocolon surculos spargens, coli substantiam pertransit ac in pelvi recto potissimum intestino ramum impertit, qui κατ' ξεχήν audit hæmorrhoidalis, & aperitus sanguinem per alvum secedentem fundit. Probe igitur interna hæc hæmorrhoidis, quæ venæ portæ propago, distinguenda, ab illo venæ iliacæ ramo, qui ad externum ani limbum decurrit & externarum hæmorrhoidum est scaturigo.

§. VI.

Vasa deinceps lactea peculiare in ideoque notandum per mesenterium servant cursum. Scilicet lactiferi hi canales ex villosa, seu potius cellulosa tenuium tunica, ramificationibus innumeros arcus efformantibus exorti, in ramos primum coëunt ampliores, qui in capillares iterum finduntur canaliculos, & desinunt in glandulis variae magnitudinis, collectius circa centrum consistentibus, ex his vero postea, juxta observationem WHARTONI, novi iterum ramuli lactei emergunt, qui progressu in maiores coalescunt ramos & chylum versus meseræi centrum & ad capsulam chyliferam vehunt, ductui thoracico demum infundendum. Licet autem porro innumeri fere nervorum surculi tam ad mesenterium stricte sic dictum, quam mesocolon & omentum abeant, hæc tamen abdominis viscera, ob defectum nervearum, in quibus sensitio tantum viget, tunicarum, omni propemodum sensu sunt destituta; coli autem tunicæ, nec non peritonæi membrana, ab iisdem nervorum propaginibus, exquisite sentiendi nanciscuntur facultatem. Atque adeo clare patescit, — mesenterii vasa perquam facile a crassis succis infarctum vel obstructionem incurrere & vi motrice valida impulsiva carentia, ob interruptum chyli, & lymphæ, per eorundem angustias cursum

sum morbis occasionem præbere, & multis, & magnis.

§. VII.

Neque etiam in hac mesenterii historia prætereundum, quod cum primis medico servit usui, mesærum nimirum & mesocolon tam copiosis & amplis arteriosis ac venosis vasibus esse dotatum, ut largam sanguinis copiam recipere & custodire queat. Jam vero tam uber sanguinis affluxus nec ad calorem, nec ad nutritionem mesenterii & que ac intestinorum, in quibus tenuibus ramificationibus canales terminantur, necessarius est, in sapientissime autem fabrefacta corporis humani machina nihil frustra factum, ideoque cui usui hoc destinatum, merito indagandum. Nostra igitur sic fert sententia: exundans sanguinis copia graves corpori struit insidias & mole sua per quam facile vitales motus, viscera nobiliora infarciendo, interturbat, hinc tam multi & magni in mesenterii minus exquisiti sensus viscere conformati canales, qui exuberantem cruentem non modo suscipere, sed & sine illa, quæ ex ipsius congestione & stagnatione in reliquis visceribus redundat noxa, aliquamdiu asservare possunt, ne sanitas cum vita periclitetur.

§. IIX.

Hic autem tam affatim ad mesenterium confluens sanguis tarde adhuc & languide per ipsius compaginem circumagit. Musculosæ enim & nervosæ in membranoso mesenterii & mesocoli tractu deficiunt tunicæ, quæ tamen ad imprimendum succis circulantibus impulsu & promovendum eorundem progressum insigniter faciunt. Vena portæ est, quæ pulsu carens, vice tamen arteriæ fungitur, & tam ex hoc, quam aliis

Contiguis visceribus sanguinem recipit eundemque ad hepar lento admodum fluamine dicit. Vena ex mesentericarum numero hæmorrhoidalis perpendiculari itinere per mesocoli tractum excurrit, remota longius a suo est ortu eamque ob causam segniter per ipsius alveum procedit motus. Neque tamen hoc etiam sine exquisita ratione & salutari scopo ita contingere, censendum.

§. IX.

Videlicet tardior hic sanguinis per mesenterii venas cursus, secretioni succi biliosi in hepate, lymphae, humoris fermentescibilis, item seri mucidi excrementitii in intestinorum cavo, egregie servit. Etenim si curatius paullo rem expendimus, crassa præser-tim intestina, egregium tam seri, quam sanguinis copiosioris præbent excerniculum, potissimumque illa, quæ colon interius obducit tunica, jure dici potest pituitaria & mucosa, eo quod in ipsius compage multum utique seri ex sanguinis sinu sequestratur, quod mora in mucum densatur & per alvi secessum cum scybalis eliminatur. Tenuia vero intestina tunicis glandulosis multisque plexibus glandiformibus sunt dotata, quæ multum serosi humoris ex vasis mesaraicis absorbent ac segregant. Testatum certe hoc facit copiosa illa in alvi fluxibus tam criticis, quam arte procuratis egestio, ita prorsus, ut quandoque aliquot serosi humoris ex mesaraicis vasis expressi mensuræ, in cachexia vel hydrope laborantibus, oblato validiori purgante, cum imperu & dolore exturbentur. Quæ quidem serosa evacuatio sicuti apprime pro sanitate est, ita non minus eximum ad morbos tam arcendos, quam persanandos, præstat usum sanguinis fluxus sic dictus hæmorrhoid-

rhoidalis, qui ob eundem difficilem sanguinis per venam mesentericis connexam regressum, in recto intestino ex dehiscientibus arteriolarum nimis dilatatarum osculis succedit.

X.

Quainvis autem lentior hic sanguinis per vasa mesenterii progressus, utilitate ad corporis salutem polleat insigni, idem tamen hic foecunda multorum longorum & difficilium morborum genitrix & nutrix est. Etenim quando sanguis & succi nimium ibi coacervantur, neque exitum per intestinorum tunicas, neque hæmorrhoidalia vasa fortiuntur, stagnationes inde fiunt, infarctus & stases, subsequunturque postmodum corruptiones, putredines ac innumeri morbi, quorum omnium vero genesis jam evolvere, nostri non est instituti, sed meditationi tantum subjiciemus eas febrium species, quæ in his sedibus consistunt, quas eam ob caussam mesentericas appellare libuit. Hæ vero secundum nostram sententiam & observationem optime in acutas & chronicas dispescuntur. Illæ uti fere semper ab inflammatione & stasi sanguinis in tenuissimis partium exquisitiori sensu pollentium vasculis natales ducunt; ita hæ ut plurimum a stagnatione, vel etiam effusione & corruptione, humoris copiosi, præsertim feroci, in canaliculis, vel extra eos, ortum debent,

XI.

Quæ inflammatoriæ febres, acutæ & continuæ sunt, interno ardore, dolore, præternaturali æstu, viarium prostratione, anxietate & inquietudine sece produnt, ac non tam in ipso mesenterio, quam potius in intestinorum tunicis musculo-nerveis, vel etiam peritonæi membrana, cui crassa adhærent, consistunt & pro-



diversitate locorum quæ occupant, nec non pro diversitate causæ gravitate & vehementia, variis incedunt symptomatibus, nec una eadem inque ratione dijudicari debent. Quod si enim dolor acutus est supra umbilicum & sub ventriculo, cum febre, nausea & vomendi conatu, indicium præbet, laborare eum coli tractum, qui infra stomachum a dextro ad sinistrum latus porrigitur. Qui in dextro hypochondrio sub costis spuriis urget doloris sensus, præter naturam affectum & inflamatum esse coli principium ubi ileo committitur, arguit, quemadmodum etiam SPIGELIUS *de semiteri.* in iis, qui hac febre defuncti, sphacelatum deprehendit hunc colli locum. Acuti cum febre cruciatus in sinistro latere, sub lumbis ubi musculus psoas situs, in colo & mesocolo, præsertim ubi peritonæi adhæret, mali sedem esse produnt. Quando vero medium abdomen circa umbilicum cum febre gravius dolet, tenuia utique intestina inflammatione esse affecta, certum præbet indicium.

S. XII.

Merito tamen consistentes his in sedibus inflammations, in leviores & graviores sunt distinguendæ. Leviores exterioribus tantum intestinorum tunicis, quæ non nisi membranarum mesenterii sunt productiones, insident; graviores vero altius ipsum intestinorum substantiam pervadunt eorundemque interiora ipsasque glandulas tangunt, ideoque & profundiores sunt, & ampliores. Quæ superficiem occupant, non tantum periculi alunt, sed adhibito laudabili regimine & congrua medicina, intra quartum, vel septimum diem discutiuntur, quæ autem interiora profundius obsident, nisi per diarrhoeam aut sanguinis fluxum solvantur, longius extrahuntur, quin in suppurationem ruunt & in hecticam defi-
nunt.

S. XIII.

XIII.

Sunt hæ simplices febrium mesentericarum species; dantur vero aliæ adhuc complicatæ indolis, quæ ex continua adeoque quotidiana, ac intermittente tertiana sunt compositæ, & cognoscuntur ex pulsus frequentia, præternaturali æstu & virium, nec non somni & appetentiæ defectu, ita tamen, ut hæc pathemata alternis diebus, præcedente levi horrore & partium externalum refrigeratione, ingravescant & exacerbentur. Veteres, HIPPOCRATES atque GALENVS, hanc febrem vocarunt semitertianam, sive hemitritæum; recentioribus autem, unicum si excipimus SPIGELIVM, qui peculiari tractatu de eadem egit, fere incognita. Non nulli enim horum eam intermittentem malignam vocant, nonnulli eandem plane confundunt cum tertiana continua, a qua tamen multum utique discrepat. Hæc quippe non adeo periculosa & gravibus quidem symptomatibus per aliquot dies insistit, tertio autem ut plurimum paroxysmo plenaria symptomatum accidit remissio & febris perfectum tertianæ intermittentis typum induit; semitertiana autem est continua, licet non tam acerbis symptomatibus stipata, & quotidie circa vesperam, & alternis diebus, levi præcedente horrore, ingravescit, junctum saepè habet abdominis dolorem ventrisque tumorem, quandoque ad aliquot hebdomades prorogatur, quandoque etiam in morbum chronicum, lentam febrem & hecticam concedit.

§. XIV.

Duplex hinc omnino compositæ huius febris causa & duplex quoque ac diversa, probe iam notante FERNELIO, ipsius sedes. Continuae scilicet nidus ac fomes tam in mesenterio, quam in annexis intestinis, &

causa inflammatio, levior tamen, ipsis in intestinis, quam etiam nunquam non in demortuis reperit SPIGELIUS. Tertianæ vero & symptomatum tertio quovis die exacerbationis causa delitescit in intestinis, ac præsertim duodeno, quod ob difficultem per inflexum ipsius cavaum contentorum transitum, ob numerosas sub tunica in eo villosa glandulas, bilis & succi paucreatici, nec non crudorum ex ventriculo succorum confluxum horumque per longiorem moram mutuam quasi confermentationem, variorum morborum ac febrium, quæ certis periodis exacerbantur, focum præbet. Nostra quippe sic fert sententia: quando pravus & morbificus succus, ex primo præsertim intestino, per lactea vascula cum chyloso liquore ad sanguinem & inde ad nervosas corporis partes, maximeque membranas quæ spinalem medullam cingunt, certa quantitate & certo tempore ferunt, oritur inde universalis in universo fibrarum & nervorum systemate spasmus, qui prius non desinit, quam materia illa, motus inordinatos ciens, per subsequenter aestuim ex sedibus fuerit excussa, posteaque tam diu silet, donec collectus iterum certa quantitate debito tempore vitiosus humor accedat, novumque motuum suscitet impetum, seu paroxysmum.

§. XV.

Hæ itaque & his ex causis prognatae febres anticipites admodum sunt & simplicibus intermittentibus longe periculisiores, eo quod fundamentum inflammatio & indoles continua, nec symptomatum plenaria remissio, nec ad reparandas vires spatium. Maius adhuc periculum, si ventriculus simul inflammatione affectus, id quod singultus, nausea, vomendi conatus, faucium ardor, extremorum refrigeratio, animi inquietudo

tudo & quandoque defectio, arguunt. Veteres ea-
propter hanc febrem habuerunt periculosissimam, im-
mo malignam & pestilentem. Eadem quoque de hu-
iis febris periculo SPIGELII sententia, qui omnium
optime ex recentioribus de eiusdem indole ac sede egit,
nec possumus, quin notatu præ reliquis dignum ejusdem
locum heic inseramus, ita habentem: quotiescumque
mecum repeto, quæ in curationibus febrium putridarum,
quæ in dissectionibus mortuorum a semitertiana observavi,
toties nil aliud potui agnoscere, quam putredines semper
in vasis constetisse. Erant enim in dissectis cadaveribus
inflammationes ex sanguine bilioſo & putrido factæ, circa
jecoris cavam partem, in ventriculo, intestinis, tam crassis,
quam tenuibus, mesenterio, omento, liene & sepius in una
partium commemoratarum, aut pluribus, aliquando etiam
in omnibus, quæ celeris mortis cause erant, superveniente
gangræna, vel sphacelo alicui loco (etiamsi quandoque exi-
guus esset,) partium prædictarum. Nam quia me curati
fuere, (si non alvi fluxus insignis proveniebat, aut locus
inflammationis non esset admodum sensibilis, ut jecoris, li-
enis, pancreatis, mesenterii, omenti) dolores in ventre im-
manes, continui, certis plerumque horis se exacerbantes,
vel intermittentes aliquamdiu, eos affligeabant, quos ex in-
flammationibus ventriculi & intestinalium ortos fuisse, ex
facto abscessu, sanie pureque, aut bile saniosa & concocata,
per secessum vel vomitum redditis, certo sciebam.

§. XVI.

Notandum autem, quod mesaraicæ hæ febres, tam
inflammatoriæ, quam semitertianæ, ex continua & inter-
mittente compositæ, in nulla regione magis sint familia-
res, quam in italia, Romæ, Venetiis, ubi clerici, aulici,
juvenes, otiose viventes ac genio indulgentes, frequen-
tissime

tissime easdem incurunt. Testantur hoc cum GALENO, SPIGELIVS etiam atque BAGLIVVS, & Italicum clima ad progignendas ejusmodi febres utique admodum est proclive. Aestus enim interdiu urens multa biliosa, acria, calida gignit recrementa, nocturnum vero quod incidit frigus exhalationem eorundem per cutis poros impedit. Solemne deinceps Italiæ quibus laetus vivendi genus est incolis, potum injecta glacie perfrigerare & sic frigidum nimis avide ingerere. Hinc omnino in procli- vi est judicare: in corporibus ex pinguiori victu & quiete succis repletis, recrementis acribus scatentibus, acceden-te frigido potu, infarciri ac repleri mesenterii stagnationi apta vasa, stasim cum inflammatione obofiri & sic febrem demum accendi. Idem quoque coeli interdiu fervidus calor & subsequens noctu algida aura, in causa est, quod in Pannonia semitertianæ hæ febres frequentissime incident. Quin sunt inter exempla, qui tantum æstatis tempore in montium cavernas & frigidas vinarias cellas concedentes, aliquamdiu ibi commorati sunt & perfrigeratum hauserunt vinum, illico febrem hanc inde reportarunt.

XVII.

Præter hemitritæas mesentericis etiam febribus accensendæ, quæ cum alvi fluxu, sive puro, sive cruento & atrocibus ventris torminibus stipantur. Neutiquam tamen omnis alvi fluxus, sive copiosa cruenta, vel incruenta dejectio, a sanguine & humoribus in mesenterio stagnantibus derivanda, sed saepius intra intestinorum cævum pravus, corrosivus & biliosus humor, causa ejusdem delitescit. Mesenterii autem vitio illæ tantum debentur, quæ epidemice & certis temporibus invadunt, neque ex alimentorum vitio, sed ex præternaturali aëris

præ-

præsertim calidi nimis & siccii constitutione oriuntur & febrem junctam habent continuam. Vidimus superiori anno, ob insolitum diuturnum ad medium fere autumni productum calorem, universam fere Germaniam pervagantes febres, non modo intermittentes varias & anomalas, sed & continuas cum dysenterico alvi fluxu sociatas, quæ unice acrium biliosorum in corpore humorum copiæ in acceptis ferendæ.

§. XIII.

Scilicet quando in corporibus multis acribus, biliosis recrementis refertis, excretio per cutis spiracula, ab aura frigidiori nocturna, vel frigido hausto, ac ut opulentiorum mos fert, glaciato, potu, intercipitur; perspirandæ hæ sordes, promptissime utique ac omnium facillime feruntur ad eas partes, quæ imbecilliores quibusque ob defectum sufficientis potentiaæ motricis systalticæ, vel perpendicularē vasorum tractum, difficilior fluidorum est progressus, cuius generis potissimum sunt mesenterium, mesocolon & omentum. Quando igitur his in sedibus, maximeque intestinorum tunicis, quarum prima est a mesenterio, inclusus hæret sanguis & humor acriis, febrem ciet leviter inflammatoriam continuam, alvi vero, cruentus etiam fluxus, vel ex nimium ampliatis & laxatis, vel exesis plane & disruptis vasorum osculis succedit. Et hæc omnino ita evenire uberiorius confirmat dissectio eorum, qui hoc morbo interierunt. Dissecuit SPIGELIVS dysentericum semiteriana defunctum, ac l.c. cap. IIX. §. 9. testatur: venas maiores hepatis sanguine fuisse vacuas, ventriculi tunicam interiorem leviore erysipelate inflamatam, venas

C

mesa-

mesaraicas & quæ ad ventriculum ac omentum tendunt distentas & crassiori sanguine refertas, omentum consumptum & semiputrefactum, durum quoque pancreas & cholodochum ductum obstructum.

§. XIX.

Infantibus porro & pueris familiarissimæ sunt ejusmodi lentæ febres, quæ insigni abdominis tumore, superiorum marcore, tussi sicca, virium prostratione, inappetentia & vago æstu, post cibum sumtum & circa vesperam increbescente, se se produnt, alvo interdum adstricta, interdum etiam fluxa, alba multa & mucida dejiciente. Nascuntur autem hæ vel a succo chyloso nimis viscido, tenaci, villosam intestinorum tunicam & minima lacteorum oscula obstruente, quo inflatio intestinorum & chylosa inducit diarrhoea. Quandoque etiam ortum trahunt a lympha nimis viscida tenaci, quæ glandulas mesenterii farcit, obstruit ac magis magisque accumulata mirum distendit. Facile tamen succrescunt ejusmodi febres & occasionem ipsis potissimum præbent, nimia infantum voracitas, cibi qui crassum chylum reddunt, defectus tenuis potus corporisque refrigeratio. Quæ vero corripuerunt, diu detinent corpora, nec, sicuti omnes, quæ ex glandularum nervæ substantiæ nimia expansione oboriuntur febres, periculo carent, sed, nisi convenienti occurrat medicina & vivendi ratione, perimunt infantes, inventis post mortem plerumque glandulis mesenterii ingentis magnitudinis, intestinis inflatis & tumidis ac pulmonibus corruptis.

§. XX.

§. XX.

Aliud febrium mesentericarum genus, lentæ est indolis, quod post alvi fluxum, simplicem & cruentum, imprudenter adstringentibus, vel opiatis cohibitum, sequitur. Ratio generationis in proclivi. Sub alvi quippe fluxu motus humorum a corporis peripheria vergit ad mesenterium & intestina, eaque propter rationalis medendi methodus hæc est, ut exitus primum præbeatur subsistentibus ibi & exitum affectantibus copiosis succis, postea vero horum motus ab interioribus ad exteriora blande divertatur, quo intercepta restituatur perspiratio. Vbi vero præpostero plane modo hæc omituntur, ac potius per validius constringentia humores illi exitu intercluduntur, aliter fieri nequit, quam ut firmius longe vasis & glandulis mesaraicis impingantur & corrupti demum hecticas febres, vel cachexiam & hydropem inducant. Multos etiam novimus, qui post dysenteriam avidius ingerentes alimenta tantum, mortem arcessiverunt.

§. XXI.

Pari ratione post variolarum & morbillorum morbum gignuntur sæpe mesentericæ febres, eæque lentæ, in infantibus ac pueris, quæ in funestam non nunquam degenerant hecticam. Nimirum quando decedentibus his exanthematibus, corpus a prognatis sub morbo etiam impuris & corruptis succis non repurgatur, perspirationis, qua reliquæ impuritatum optime difflantur, successus per corporis refrigerationem impeditur & ventriculus adhuc imbecillis incongruorum eduliorum mole aggravatur; fieri aliter vix potest, quin copiosi & pravi humores ad mesenterium

C 3 eius-



eiisque vasa descendant & stagnationes, infarctus, obstrunctiones, glandularum tumores, ex parte etiam inflammations, ibi producant, cum ingenti abdominalis tumore & inflatione, superiorum tabe, inappetentia, inquietudine, æstu, tussi sicca & alternante quadam horripilatione. Quæ omnia pathemata ad aliquot nonnunquam menses persistunt & quandoque non nisi morte finiuntur.

§. XXII.

Neque adeo in artis exercitio rarum est, post intermittentes, præsertim male tractatas & intempestive opiatis sopitas, aut constringentium ipsiusque chinæ corticis præpostero usu cohibitas, succedere lentas & mesentericas febres. Ratio hujus eventus in propositulo. Intus enim in corpore excrementitiis multis biliosis succis referto, perspirandæ sordes retentæ & ad inferiora ipsumque mesenterium delatæ, bilem & succos salivales fermentativa vi præditos inquinant, & accendentibus simul crudis ex mala digestione succis, formitem conficiunt febrilem. Primaria hinc in earundem curatione indicatio, ut impuri & inquinati succi corrigantur, per superioria, si res postulat, aut inferiora, postea educantur & saluberrimum demum perspiracionis negotium ipseque sanguinis ad exteriora motus corroborantibus & diaphoreticis dirigatur. Contra ea quando antequam hæc facta dantur constringentia, quæ minima in villosa tunica oscula & glandulas occludunt, humores jam subsistentes lentos magis reddunt ac impingunt, lentæ utique & latentes febres, cum virium prostratione, inappetentia, carnis consumtione & æstu junctæ non possunt non oboriri, quæ tandem in

hecti-

hecticam , vel in cachexiam & hydropem trans-
unt.

§. XXIII.

Tenendum tamen, lertas has ex mesenterio ma-
le affecto febres , non esse permutandas cum quoti-
dianis intermittentibus. Ambæ enim insigniter diffe-
runt. Intermittens quippe quotidiana ordinario ante
meridiem accedit & conspicuum intermissionis tem-
pus, pulsu a celeritate & vehementia ad imbecillitatem
& tarditatem reducto, exhibet ; in lentis vero mesarai-
cis febribus , non datur caloris ac pulsus celeris per-
fecta intermissio , sed tantum aliqualis remissio & circa
vesperam ac noctem pathemata ingravescunt. Quo-
tidianæ nidus ac fomes est in intestinorum flexuris,
lentæ vero in mesenterii compage. Illæ non tanto
periculo stipatæ ac hæ , melius etiam medelam admit-
tunt & convenientibus emeticis , laxantibus , detersi-
vis, posteaque roborantibus facile cedunt, quæ vero ex
mesenterio, non tam faciles curatu, longius extrahun-
tur ac sæpiissime in hepticam concedunt.

§. XXIV.

Sic generantur , sic incedunt & sic quoque cu-
rate distinguendæ sunt mesentericæ febres omnes &
semitertianæ. De eventu vero earundem hæc adhuc
notanda. Solvuntur nimirum quandoque alvi fluxu,
quandoque colicis doloribus , qui descendisse ad inte-
stina materiam quæ febrem suscitarat , indicio sunt.
Sæpius etiam notavimus , feliciter eas nonnunquam
cruenta sine torminibus diarrhoea , sive fluxu vulgo
vocato hepatico , oborta , nonnunquam prodeunte

per ani secessum copioso nigro fuscuento sanguine, esse discussas. Desinunt præterea quandoque in intermittentem, quandoque in continuam quotidianam, quæ tamen quam facile iterum fit semitertia. Quin nulla omnino febris tam facile redit, quam ea quæ ex mesenterio, tanto certius, quando æger in diæta aut vitæ regimine, vel medens in medicatione errorem admittunt, potissimumque calidiora & purgantia sub finem propinata, ut recrudescat faciunt.

S. XXV.

Jam ad methodum his febribus recte medendi accedimus, quæ circa easdem vel arcendas, vel persanandas versatur. Ad præscindendas igitur ipsas, removenda omnia, quæ ex causis externis eas inducendi facultate pollent. Stomachi potissimum & ingestorum ratio habenda, ac videndum, ne ventriculus nimis obruatur, tanto minus cibis qui crassum sanguinem & lento ac glutinosos succos ingignunt, quorum in numero sunt maxime dulcia, acida, fructus horæi, caseus, placentarum genera omniaque ex pasta confecta. Vitandus porro frigidus potus, aër quoque frigidus & humidus omniaque quæ perspiracionis successum impediunt. Cavendum ab omnibus purgantibus, quæ robur ac tonum intestinorum & quæ mesenterium constituunt partium mirifice dejiciunt. Animus præterea sit tranquillus, nec corpus nimium exæstuetur, in primis paullo post pastum, nec si commotum interius, vel exterius, refrigeretur. Medentes vero solcite caveant, ne diarrhoeas, febres, hæmorrhagias, vel alias excretiones salutares imprudenter ac intempestive compescant. Venæsectio egre-

gie

gie defendit ab his febribus corpora, quæ ex victu lautiōri & otiosa vitæ ratione succorum contraxerunt copiam, & tum maxime necessaria est, quando menses vel parum, vel plane non exsolvuntur, quando fluxus hæmorrhoidalis non succedit, nec alia critica superflui sanguinis evacuatio præsto est.

§. XXVI.


In ipsa vero curatione abstinentia a copia remediorum, ab adstringentibus, testaceis, ipso chinæ cortice, a dulcibus, a calidioribus, a purgantibus & opiatibus. Neque etiam sanguinis missio indiscretim admittenda. Vbi enim inflammatio levior, nec corpus adeo plethoricum, omittenda hæc; contra ea si ad ingnendam sanguinis copiam dispositus habitus, vasæ, præsertim in extremis, turgida, tuto utique in principio vena secatur, ne inflammatio gravior & profundior fiat & ad interiores intestinorum tunicas propagetur. In ipsius quoque dysenteriæ epidemicæ principio sanguinis missio cum bonis ægrorum rebus institui potest, eandemque SYDENHAMVS jam eximie commendat. Non tamen perpetuum & hoc est ac quibusvis suadendum, sed tunc, quando vehemens febris in corpore juvenili, sanguine redundante, alvus simul cruenta dejicit & atrocia urgent tormenta, tum utique ad declinandum inflammationis augmentum & sphacelationem intestinorum arcendam, nullum auxilii genus præstabilius venæsectione, eaque intermissa, aliquoties septimo aut nono die ægros interiisse, annotavimus.

§. XXVII.

§. XXVII.

Deinceps sicuti in omni inflammatione, sic etiam in ea, quæ mesentericis in febribus præsto est, apprime conducunt diluentia, humectantia & diaphoretica leniterque nitrosa, quippe quæ eidem validissime resistunt, nimiumque ardorem ac sitim extinguit. **BAGLIVVS** hinc recte commendat in semitertiana medicamenta ex nitro, item decoctum hordei cum hilo antimoniato. Ad promovendum vero magnum illud in his morbis alvi beneficium, præter clysteres, ex floribus paregoricis & emollientibus ac seminibus carminativis & sapone Veneto paratos, ea sunt tutissima, quæ mannam, rhabarbarum, passulas minores, adjecta portione salis medii temperati, uti est terra foliata tartari, aut tartarus tartarisatus, habent, & ex sero lactis dulci leniter decocta sunt, modo ventriculus ferre possit. Hæc enim clementer & sine sanguinis commotione, vel nervosarum partium stimulo, aut sine virium jactura, primas vias a sordibus vitiosis & copiosis viscidis deplent & ad mesenterii quoque ab humoribus stagnantibus infarctum removendum & evacuandum multum conferunt. Conducunt tamen etiam egregie temperatæ ejusmodi balsamicæ pilulæ, quæ secundum **BECCHERI** exemplar præparantur & nonnisi extracta amara, gummata moderate balsamica & aloën bene correctam, in refracta tamen dosi, continent, quarum moderato, sed frequentiori usui, si pulvis quidam salinus, aperientis & detersivæ indolis, interponatur, febres illæ, quæ ex intermittentibus, diarrhoeis vel hæmorrhagiis imprudenter cohibitis, nasci solent, feliciter, adjunctis diluentibus, expugnantur & abiguntur.

§. XXVIII.


 §. XXVIII.

Ad obstructionem dein ab amurca tenaci, crassiori tunicæ villosoæ intestinalis removendam , vel etiam ad glandulas mesentericas fartas & obstructas expediendas, solus liquor salis tartari per deliquum paratur , vel is cum liquore nitri antimoniatu mixtus, adiecto tantillo extracti croci & aliquot granis extracti cardui benedicti, parva, sed repetita dosi , per aliquot hebdomades usurpatus, miram promittit opeū & efficaciam, uti D. PRÆSES multoties observavit. Ad aestum porro his in febribus temperandum & acrimoniam humorum, quæ calorem accedit, obtundendam, diluentia, ut serum lactis, vel ptisanæ, ex rasura cornu cervi, scorzonera, passulis, rad. cichorei & semine fœniculi confectæ, item emulsiones ex amygdalis, vel solo semine cucurbitæ paratae, cum aquis florum tiliæ, primulæ veris, acaciæ, cerasorum nigrorum, omnibus aliis virtute præstant. Sed opus est in hisce maxime morbis patientia , quia lentæ sunt febres & lentam etiam poltulant curationem, cui nihil magis, quam remedium copia & varietas adversatur.

§. XXIX.

Quod si vero lenta febris, & quidem ad hec-ticam inclinans , paullo gravior , a suppuratione intra mesenterium facta præsto est , tunc omnia etiam ea, quæ jam commendavimus , diluentia , refrigerantia, temperantia, clementer evacuantia usui sunt ; simul tamen curare oportet Medicum, ut accommodata medicina , expurgatis purulentis sordibus, consolidationem exulceratarum & exesarum partium promoteat, quem in finem quam maxime proficia decocta herbae veronicæ, scabiosæ, sonchi, marrubii albi, florum bellidis, hyperici, summitatum millefolii, sive ex aqua, si-
ve sero lactis, decocto cornu cervi, aut juscule car-

nis, frequentius usurpata. Tandem quod attinet ad usum aquarum medicatarum in mesenterii morbis, & maxime febribus inde oriundis lentis, eæ quæ temperatissimæ sunt & subtilioris indolis prætereaque sale alkalino fœtæ, uti Selteranæ, Emsenses, vel etiam Wiedungenses, si pro potu ordinario bibuntur, utique ad obstruktiones referandas & humores viscidos diluendos, præ omnibus aliis laude sunt dignissimæ. Sicuti enim multum refert, in curandis potissimum chronicis morbis, qualis sit laborantium potus, ita, ut salubris morboque expugnando simul accommodus in mesentericis his febribus præbeatur, curandum.

§. XXX.

Possimus nunc hanc disquisitionem pluribus quæ nobis ad manus sunt exemplis illustrare; brevitati autem studentes, alii loco & tempori id reservamus, & in præsentiarum binos tantum causas, de longis & difficilibus ex mesenterio morbis, coronidis loco anneximus. Pauci nimirum elapsi sunt dies, quum ad D. PRÆSIDENTEM adduceretur miles quidam, facie lividus, corpore macilentus & languidus, pulsus tamen celerem cum quadam duritie exhibens. Conquerebatur hic graviter de alvi fluxu, per tres continuos menses ipsum adeo detinente, ut quotidie octies, vel decies defidere cogeretur, secedentibus nonnunquam ut naturaliter fieri solet excrementis, nonnunquam vero saniosa, nonnunquam sanguinolenta materia, sine scybalis, appetentia ciborum simul immunita fauibusque aridis. Inqirenti in tam chronici mali causam respondit: se graviter aliquando in sinistro dorsi & thoracis latere verberibus esse percussum, ut locus etiam sugillatus comparuerit & dolor successerit impensus, præterlapsis autem aliquot diebus, doluisse hypochondrium sinistrum ibique supra os ilei protuberasse tumorem aliquot hebdomades subsistentem, donec obortis in ventre torminibus, alvus sponte fuerit soluta, multaque saniosa, fœtida, atro etiam sanguine tincta, copiosis successerint dejectionibus. Ex eo quidem tumorem subsedit & dolorem quoque evanuisse, sed diarrhoeam persistisse & adhuc ipsum

ipsum mirum exercere ac vires absuīnere. Dimissus igitur est consilio, ut serum lactis dulce, nostra methodo paratum, quotidie ad mensuram unam, nec non infusum ex scabiosa, veronica, sanicula, mentha, melissa, millefolio, floribus hyperici & papaveris erratici frequentius potaret, quibus etiam effectum, ut post aliquot hebdomadum decursum rediens, gratus profiteretur, parciores longe esse dejectiones, corpus vegetius, meliora omnia, nec de perfecta impetranda sanitate dubium.


§. XXXI.

Nullum certe est dubium, quin in hoc abscessus fuerit in mesenterii compage obortus, qui demum ruptus, effuderit in intestinorum cavaū saniem & cruentem, per ani secessum excretum. Qui vero factum, ut a superiorum percussione, in abdominis penetralibus inductum apostema, disquisitione omnino dignum. Nos quidem ab impedita sanguinis in partibus plagiis gravius contusis circulatione, mali duciūs natales, unde factum, ut in homine plethorico sanguis majori copia fuerit delatus ad mesenterii diverticulum, ibidemque collectus, demum putrefactare coepit & in abscessum concesserit. In mesenterio enim saepius obiriri stagnationem, si in remotioribus partibus sanguinis progressus interceptus, non novum. Ipsi novimus, hoc facto mesenterium cum omento putre & sphacelatum fuisse inventum, vulnere lethali diaphragmati inficto, cruentem vasa mesenterii perrupisse & abdomen inundasse, & in asthmate spasmodico, a polypo in appensis cordi canalibus, meseraū itidem sanguine multo oppletum, vasa ipsius distenta partim, partim plane disrupta comparuisse.

§. XXXII.

Alter simili fere morbo laborans erat ruricola, habitior & quadratus. Pronus hic in truncum cum ventre ceciderat acuminatum & ex eo exquisitum in abdomine, paullo supra umbilicum, persenserat dolorem, cum animi deliquio, accensa simul, praecedente horripilatione & refrigeratione, febre. Post aliquot dies sanguinolentam & saniosam per superius & inferius os ejecit matteriam multam, eoque facto, siluit febris, remansit tamen languor & appetitiae prostratio. Quumque elapsis circiter quatuordecim diebus, domesticis laboribus manū admovere inciperet, denuo re-

cru-



cruduit abdominis dolor, animi defectione, horrore & febre stipatus, cum extremorum frigido sudore, ut animam agere videtur. Sequuta vero diarrhoea cruenta & saniosa per aliquot dies, symptomata iterum mitiora facta ac remiserunt, sed vix septem dierum fuerunt inducæ, quibus circumactis, priora repetierunt pathemata cum febre, oboitoque alvi fluxu, conqueverunt rursus. Imploratum igitur D. PRÆSIDIS auxilium, qui crebriorem decocti avenacei usum cum humana, vel canina axungia, butyro potabili rubro & balsamo Locatelli suasit, ac demum decocto herbarum vulnerariarum alchymillæ, agrimoniacæ, saniculæ, pyrolæ, fragariæ, veronicæ, fl. bellidis, hyperici aliariunque, ex cerevisia, ægrum hunc ad sanitatem, fortunante Deo, traduxit.

§. XXXIII.

Celebris jam ille Italorum Medicus, BENEDICTVS SYLVATICVS, abscessus subinde in mesenterio succrescere notavit & notatu in primis digna, quæ habet Cent. II. cons. LXXXVII. ubi sic scribit : *mesenterium sepe fit sentina multorum excrementorum, ac obtusi sensus quum sit, diuturnas tolerat affectiones* \textcircled{S} *in quo non raro suboriuntur apostemata suppurantia, qualia frequentissime a me fuerunt observata, quæ tandem subsidebant per dejectiones purulentas iterumque statuis temporibus recurrebant* \textcircled{S} *oblitescebant denus per similes dejectiones, non raro cruentas, ita ut imposuerint quibusdam illas pro dysentericis habentibus.* In nostro certe ægro lapsu illo in stipitem acuminatum quassatus forsitan fuit excurrens infra ventriculum supra umbilicum coli tractus, quo inductus dolor, raptis etiam in consensum reliquis intestinis, febre in ciens & per spasmodicam simul stricturam in mesenterii canalibus detinens sanguinem, qui in purulentam postea corruptionem abiit, per rupit & alvo exiit. Latius vero semper serpsit malum & relicta iterumque commota vicina arrodens materia, mali recursu iterato induxit, donec, acrimonia ipsius obtundatur, abscessus abstergeretur demumque post semestre spatium in robusto & agresti corpore consolidationem reciperet.

F I N I S.